



敬亭集
狀

詩三

六

~ 16
2350
3



和
2350
卷6-3



敬亭先生集卷之五

詩 依韻和何大復七言律

荅雷長史

蜀王府長史

來詩清峭正含愁
郢雪調尚未易酬
所喜虫語若得意
相思縮地我無由
西園飛蓋開新讌
南國題詞寄舊遊
為報王門相識問
腐儒今白九分頭
喚取青城作小山
要看紫氣滿函關
秋深棧道層陰歇
日落秦川匹馬還
雙鳥在空中疑可接
三花未老若為攀
功名盖世真炊黍
對酒論文不等閒
蜀國山川路阻長
孤懷即今倍淒涼
峽天漏雨交



敬亭先生集卷之五

新雪閣夜窮陰變一陽仙籍幾時移瓊闥我心終
日在銅梁浣花故里應隣近大雅須君重表章

才賢建大雅
堂於浣花里

故人文雅是吾師此日樽前有所思仙侶抽毫酬
報敏賢王設醴退歸遲追懷汝水披雲夕欲話巴
山聽雨時東閣官梅今已動急須裁寄草堂詩

有故上相逢
之語故及之

贈穎川張秀才

君才清廟宜朱瑟不遇知音奈若何仲孺罵人休
使酒許由洗耳莫同波神鷹會養凌雲翮駿馬長

鳴振玉珂可是匣中衝斗氣未隨塵土就消磨

灌夫許由俱
用穎川事

送馬公順視學湖南馬公關西人

關西夫子闢緇籍甚聲名世所稀噴玉驛驢來
月窟凌雲鵬鷲得秋飛追塵省署猶朝暮把酒都
門又夕暉近日中臺卿貳缺暫時分手莫相違
多君學海洞庭寬楚國諸生拭眼看材秀梗楠應
聳壑力障江漢足迴瀾文風偃草賢關化憲節凌
霜暑路寒賀得三鱣升自此莫嘆行道古猶難
荆門煙樹眼霍開君到湘潭幾日回帆影月邊千

里遠猿聲天上九秋哀中朝奮德懷師範三楚英
才望憲臺聞道北靡虛席久春風驛路早歸來
畫船江沫擁春沙影動仙袍鵲錦花幾下南州高
士榻遠瞻北斗客星槎撫今可是無懷古戀闕那
堪又憶家楚地從來多感慨莫教愁鬢著秋華

無題

素腕如霜罷浣紗嬌歌宛轉逐琵琶秦樓翠伴乘
鸞客金谷羞看墮地花珍重玉簫猶再世可憐封
陵是寃家閑登高閣遙相望草色腰裙一道斜

狂國賓見訊

故人頗問不休官早晚飛章便乞閑抽笏暫辭
省舍舉家長往鹿門山祇應招隱言堪賦不待移
文愧發顏遙想山中叢桂綠可能携手許同攀

讀李子艮嶽詩有感

百年陵谷已陵夷城闕何須嘆黍離虜騎自從臨
汴洛鑿輿無復駐旌旄當時不悟坤靈破後代應
留鐵佛悲騷客謾傷歌舞地淚痕還向武林垂

有昔時歌舞地之語故及之武林宮在臨安宋亡於臨安故云

早春眺望

梅蕊輝輝映竹開杖藜村徑為低徊年華冉冉震

蓬鬢身世悠悠一酒杯
弄日餘霞將雨過
綰煙新柳被風催
春聲已與群鷗熟
莫避遊人去不回

感春

傷心江草喚愁生
滿眼江流繞郡城
萬里風光增戀嫖
一年煙火過清明
尋花亦有深深蝶
選樹非無款款鶯
獨自逢春多感意
遠遊難遣故園情

寄五清先生

妙年臺閣振嘉聲
晚景林泉不世情
楚地即今多壅路
劔門何日早休兵
謝公應為蒼生起
范老寧辭白髮生
一面人間還有數
非關蜀路苦難行

五清似是川人用景仁事

懷西涯先生

尚書儀絕百僚班
喉舌樞機本漢官
入閣陳謨神鬼合
垂紳措國泰山安
于今耆舊稀疎甚
自古明良際會難
前輩幾人名相業
似公文雅冠騷壇

寄希哲望之

十年風雨對床歡
夢寐相思幾度看
一體君親恩義奪
連枝兄弟合并難
鄉書裁罷孤燈暗
旅雁回時隻影寒
京洛雲山千萬里
祇將詩句報平安

寄任司訓

便便腹有五經笥訓詁于今再服虔可念親朋俱
異域幾人臺省是同年廣文待闕終當選宰相知
君莫遽還且辦任公十二替看渠釣海六鼇懸

寄馬君卿固安

君家最秀白眉者况乃詞華出衆人獻賦甘泉猶
不達分符赤縣嘆非辰來朝久候飛仙舄奏課要
看下寵綸欲試高才須錯節時危不必浪霑巾

有徑盜縱橫淚滿中之語故及之

雨中留蔡黃二親

留客貧家也不難雨中聊共老夫餐伯喈書擅八

分絕叔度波涵千頃寒喜漲蛟龍移後浦愁雷鳴
鴈過前灘莫辭側耳茅簷滴清切還宜入夜闌

清明上先祖并兄墓

松揪無限蔽羅城酸淚難禁上塚行纔隔重泉驚
異世又過寒食作清明頻通地下衣冠夢未了人
間手足情恨入東風應不盡年年春草踏還生

表惟武邀客泛舟夜下

勝日鳴珂野水邊華筵高敞孝廡船依遠樹迎
還沒隱隱群山斷復連帆到峽天星影動夜深城
闌漏聲傳明朝日出應追憶瞥眼風光正可憐

葉四公子西園

西園公子舊名家，穀雨初晴賞韻花。池畔吹笙儀
野鶴，松端列炬散林鴉。殘樽移席依潭島，餘興回
舟弄月沙。坐有同鄉能賦客，風光不減汝南涯。

張太守宅同賈長教會集

春城和氣雨中迴，領客招尋喜共陪。太守風流還
好事，廣文談笑便浮盃。方酣接席携歌妓，向晚移
樽上釣臺。懽興未闌休促駕，林塘少待月華來。

袁冲霄同袁惟學過訪

郊扉蕪沒路橫斜，為謝求羊過窶家。白酒賒從村

北巷青芹採到澗，西涯啼鴛選樹移。園柳飛燕穿
林落，蓮花二阮清談俱絕倒。風流還向竹林誇。

同高鐵溪劉朝信宿賢隱寺

給園隨喜有朋來，細雨青林濕不開。磬罷竹房僧
入定，胎留松院鶴飛回。古龕當漏金谿象，斷壁經
春盡雜苔。忽聽晨鐘發深省，閑忙俱覺此生哀。

袁惟學南園

一頂烏紗春日斜，池邊立馬到棲鴉。苔斑得雨移
階竹，樹影回風掃岸沙。門外常稀俗士駕，城中還
似野人家。莫教兒輩虧佳趣，把酒論文度歲華。

登謝臺

千年故國只空臺宴樂兵戈幾度催蔓草每從春
後長牧童偏向雨中來煙絲強學宮腰舞野艷還
依寶鬘開古事消沉無處問暮雲山色有餘哀

楊花

輕盈袅娜顛狂甚箇裏春光已暗拋亂撲酒壚香
是雪忽飄簾幌散於毛着來芳草千般細惹得遊
絲百尺高偶甬渡江無意緒踏歌宮女不知勞

秋夜

洞房幽悄起秋陰玉露零零桂樹森幾處搥衣關

月苦誰家寄信塞雲深象床簾冷推乃鴛被金鴨香
消換水沉苑結悲懷空自語騷人千載識余心

賢隱寺別劉朝信

安石中年送客難亦知殊損少年歡馬嘶古路行
人歇日隱喬峯野寺寒琴曲樽前呈別鶴羽儀天
上賀驂鸞仙槎此去連清漢一點文星夜夜看

歲暮

塞上風煙接地陰可憐衰病日相侵天寒烏雀投
林密歲晚龍蛇蟄海深憂世賈生徒痛哭登樓王
粲獨開襟山林鍾鼎何時了只為君親兩苦心

穀日
青煙漠漠織平林
漸變北堂榆柳陰
抱犢入山空
有志看雲出岫本無心
隣僧月下敲門立
野老田間挈盞尋
不恨鶯花不爛熳
祇目多病廢閑吟

送任宏器入京

少時才氣壓同年
射策君門遂褻然
漢水以南龍起蟄
秦城直北斗臨懸
沙頭玉笋傾梅雪
江畔金羈簇柳煙
此去吹噓應得力
水曹去閣定推遷
臨歧作惡在中年
况此衰遲倍黯然
水驛春陰征袖濕
衛河風駛客帆懸
朝迴玉闕留殘雪
日落金

臺起暝煙澤國生涯如有問
漁舟長載歲華遷

再送任宏器

日暮郵亭客動車
柴扉獨自掩郊居
孤舟楚水龜鼉外
匹馬燕關羽檄餘
若論升沈俱自在
未知消息各何如
漢庭相見應嗟晚
只待嚴安報上書

題葉邦重山水畫障

野橋橫斷隱喬峯
一道飛泉漱石松
我向此中尋活計
君從何處得奇蹤
漁舟便欲隨紅雨
潭水還期釣白龍
蘭若想應深裏住
不聞雲外講時鐘

題張給事安期圖為乃翁壽

雲擁蓬萊五色車安期棗大邵平瓜壽觴爛醉彤
霞液恩誥新蟠綵錦花秦帝徒勞求赤舄伯陽何
事向流沙觀圖便識真仙面給事官銜七品家

九日贈揚靜之歸真陽

泮水遊從幾度看十年依舊誤儒冠驂騑但未臨
長道鳴鶴何難運逸翰九日清樽猶別席明朝白
髮獨凭闌江鄉風物還堪賞君到真陽菊正繁

到寺

飛泉一道半空懸白日雷聲萬壑傳見極祇堂天
地外聞薰講席菱荷遶陶潛愛酒非醜酒蘇晉逃

禪不學禪早晚移家西崦下焚香洗鉢送流年

見極祇堂用
楞嚴經語

大虛上人為書樓

遠公蓮社為陶公儒釋從來道亦通遂令上人真
法界見容措大此門中清朝伏檻雲歸壑半夜開
軒月印空便決西峯終老約可無揚子一區宮

遊西山胡本清邀留

尋僧偶到水西寺野老携登江上臺門巷轉從松
下入壺觴移就竹邊來不緣被惱春風出那得邀
歡好抱開山鳥山花皆我友主人留客莫相猜

新色寺與諸生留別

野寺秋風落日邊一樽相對意茫然
離人獨向燕南路旅雁哀鳴漢址天
珍重可忘師友誼繼勤徒誦切磋篇
臨歧去住難為別莫道中年與少年

趙生書屋

不慣城中十丈埃今朝祇為故人來
秋深籬落懸瓜峽雨後階除長蘚苔
近市盤飧須易辦滿缸家釀不難開
主人且說黃花好其奈街樓晝漏催

題任宏詭思親卷

遊子停車故國遥望雲垂淚太行高
思後十二時

中切魂逐三千里外消日暮空看烏反哺
天寒忽憶絮征袍夕陽下嶺寸心苦
列鼎何如負米勞

贈嚴生箒命的

賣卜成都今再世亦知懷寶久迷邦
玄機直透星經奧妙契元超卦畫雙
雪噴梅花香滿室煙和草色翠交窻
行藏不待後渠決白首漁竿老一江

述懷

攬鏡愁看白髮新山中冰雪又回春
雲天目送群歸雁江海心傷一旅人
豺虎縱橫迷去路關山迢遞隔音塵
釣臺幸有泖河上偷得他鄉自在身

送周大

露下寒城菊自花
蛩聲到枕葉聲加
明朝匹馬梁山下
此夜孤燈楚水涯
鷄黍十年終赴約
江湖千里更還家
風塵損却朱顏去
况復臨歧感物華

送惟學南還

不嘆賓館食無魚
却厭緇塵染素衣
心逐雲鴻飛楚澤
夢尋松菊到荆扉
江湖城市身如寄
鍾鼎山林願已違
獨向秋風增客况
天涯又是送君歸

送趙司訓喪偶還羅山

三年太學齋
鹽窖雨打朝衣
捲敗荷客裏偶占炊

白夢人間強作鼓
盆歌逢秋孤鴈哀
號切守夜鰥魚不
寐多家在楚雲千
萬里獨隨丹旄下
漕河

送易太史歸省湖南

秋清楚水靜沙塵
鄉味江魚白白新
鄰里競迎金馬客
庭闈喜動綵衣人
承恩拜舞寧親日
奉酒兢惶祝聖辰
獻頌中和應有詔
此行非為碧雞神

八日王宗哲宅見菊

燕臺把菊聚華堂
楚客悲秋興轉悠
開口此時成一笑
登高明日作重陽
玉峯藍水休相問
細雨寒花自不妨
回首龍山何處是
先將醉帽落君傍

九日雪答崔太史

九日登高常怕雨，今看雨雪轉堪哀。
聲欺落葉蕭蕭下，影奪寒花艷艷開。
朔氣於嚴催漢闕，秋光錯莫謝燕臺。
知君紀異春秋筆，異日當為燮理才。

苦熱

燕池風沙增夏熱，羸軀常受爍蒸偏。
不堪沈濁人間世，那得清涼佛界天。
擬竅寒門懷積雪，更登廬頂灑飛泉。
飄然欲泛松江月，千尺虹橋跨冷煙。

雨中

晚雲暗濕過西苑，城上森森雨脚垂。
映日仍霑宮

樹泣隨風更入戰，鼓悲幾時滄海通。
吳篲向晚黃河濕，漢旗欲掛烏紗尋。
窮筮楚鄉漁父倍相思。

河南

黃巾攘攘羽書擾，千里長河戍壘空。
嵩洛休誇梁地險，江淮猶阻楚帆通。
群公計竭廟堂上，聖主憂形宵旰中。
馳入懸瓠先縛賊，不知誰與古人同。

西海子

烟波橫帶寺門開，浪蹙湖心百尺臺。
虹遶玉泉銀漢落，雲移瓊島鳳城來。
三生宿業登仙閣，十載孤蹤起草萊。
一別靈槎空悵望，天河渺渺不勝哀。

汝忠宅待月同望之

一堂同醉濁醪盃共待清光萬里開
豈之華燈移几席却邀水鑑映池臺
秋江暗覺魚龍動寒影遲
後鵝鵲來白露下空朱檻濕
嚴城鍾漏不須催

別王秉衡御史

梁地欣逢駸馬日
楚關愁把繡衣時
風塵白首難為別
霄漢青春幾見思
雲露黃河窺禹迹
天晴華嶽過秦祠
公卿共識峩多面
不露彈章竦直詞

元夜仲脩宅對月

新年新月此回圓
共對華堂慰暮顏
三殿影浮珠

網動九衢聲散玉珂還
祥煙欲歛宮中樹
瑞色遙騰仗外山
曾預先朝廊下宴
清光偏照寢園間

省中贈田勤甫

日映采恩轉遷迤步歸東省
佩聲遲遲聞畫漏連
籤下閑看春雲去
殿移題柱仙郎多秀句
效曠鄰女少妍姿
委蛇退食終何補
貪祿妨賢祇自知

郭氏園林

郭氏園林淨客心
炎天樓閣起層陰
蒼溪白石寒相映
蒼筤雲松獨見尋
祇有琴樽留醉墨
略無塵土宛幽襟
臨歸引領望巖壑
好鳥間關和我吟

送杜司訓之藍田

工部詩中摩詰畫盛唐山水擅才華聞今秣馬歸
盤所羨爾携羶扣澗涯秋老商顏如秀草春深輞
口掃殘花憑君欲試青囊訣莫使瑤環委穢沙

摩詰朝川圖有朝口莊操帚掃
花者一人藍田玉有若環壁者

送張子之浙江

酒盡沙頭雙玉壺歸帆五月放京湖將探禹穴滄
溟遠更上天台落日孤十郡東南今大部三吳佳
麗故名都茲行不為鱸魚膾試覓東廬舊酒徒

寄抗東卿高曾准二憲副

二君俱是吳中舊越下相思費苦吟垂上青雲生
白髮幾回明月照丹心揚旗水上排玄甲吹角城
頭散積陰寇盜縱橫書斷絕不禁衰涕易盈襟

壽西涯相公

相業文章邁古人兩朝恩遇久彌新寰中鈞築收
多士天下安危佩一身師傅已躋三少秩冥靈宜
享八千春勲名前代看裴郭屈指皇朝幾箇臣

有裴公郭相
之語故及之

送雷長史

親王長史清朝選輔導先皇幾葉孫梁國才名無

出右江都賢傳亦知尊三千里外趨荆府二十年
前在蜀門離別苦多相見火莫辭今夕共傾罇

寄黔國公

隴外羽書馳楚道滇中殺氣繞邛巴秋深鴻雁辭
關月日暮鼉鼉傍岸沙下瀨戈船交矢石伏波銅
柱界夷華將軍應念金門客却向昆明望海槎

送趙元澤之嵩明州

河上新拋數畝園一麾南去渡湘沅宦情轉向離
懷索動業偏令客鬢繁風土本來區外服羈縻猶
是屬中原嗟君此別歸何日握手臨歧却忘言

七夕

燕中七夕天孫席綵縷相傳乞巧針幾處捲簾驚
落葉誰家調杵拭清砧高樓楚客思歸夢長信宮
姬望幸心腸斷碧霄牛女會銀河渺渺起秋陰

宗哲初至夜集

楚客風樞萬里旋燕京共此一堂筵正看寒菊酣
霜日况值賓鴻度海天紫禁夜深銀箭促碧空雲
盡玉鉤懸仍憐聚散尤無定送旅情悰倍悄然

九日送師御史之浙中

霜風吹送憲臣旌九日江頭鏡騎鳴黃菊正當飄

客淚白雲先繞望鄉情樓船截海濤崩脫斧鉞當
門吏膝行闕闕分明傳太史漢庭無忝老先生

指師
丹也

和張子純白髮

狂豪猶是少年心白髮綠何便見侵我道潘郎悲
悼甚君言宋玉興懷深錯教勳業愁看鏡空使英
雄淚滿襟筋力向來差可擬亦知今後不如今

送張亢德侍御巡畿內

淮海文章燁綵虹長安豪貴避桓驄埋輪直氣從
來遠攬轡威風孰並雄遂使京師根本地專關臺

憲指揮中太行秋色凌霜鷲三輔應知夜窟空

夜集劉德徵

歲暮燕臺動客愁寒天共坐北堂幽楚鄉兒女無
新耗京洛衣冠有舊遊漸看銀河低戶牖忽聞鍾
漏起城樓人間此會應難得對酒論文豈易求

慈仁寺送良伯

出城頗覺漸離羣到寺方知隔世氛苦竹寒風吟
晚葉荒臺秋色映殘雲正當鄉客難為別况與仙
郎自此分落日下山情更遠蟬聲清切豈堪聞

劉德徵上陵還有贈

帝鄉空望白雲歸聞道仙郎甫寢在天壽山前連
御路黃花鎮北控皇畿神臯慈鬱垂玄佑玉殿森
嚴象紫微獨有待臣餘白首淚霑園草正霏霏

登勤甫樓

登眺高樓極細微孤雲獨鳥欲何依河水倚薄春
先動宮柳毳毼燕未歸豈有鄉山能入眼還令客
淚易盈衣回頭嵩洛風塵外却恨當年雅志違

月夜王宗哲宅贈田勤甫江西提學

清宵共坐北堂寒久客方知送客難去住天涯俱
失意徘徊月下不成歡玉虹翠浪吟邊過滕閣廬

峯盡裡看近日江西為學地莫教偏重陸文安

送劉養和待御謫金壇

嗟若左謫赴金壇聽我劍歌行路難共道鷹鷂能
逐爵那知搏擊誤傷鸞請淮未忍埋魚腹造物何
心化鼠肝莫灑青山數行淚長卿應不老餘干

青山數行淚劉長卿詩句也

送王秉衡謫顛榆

此夕聞君忽左遷天涯一別倍悽然魂隨夢月迷
淮上目送燕鴻到日邊痛飲騷人無不可墮車醉
者亦能全藏春亭上春應早雨露息光只隔年

蕨春亭在
襄榆縣

送許庭美之浙江

吳艤越榜艤江皋五月荷花淨熱勞夾路萬人瞻
玉節鳴銑千騎引旌旄雷霆施令龍蛇動草木知
名虎豹踰公道尚書今不泯况君才格出群豪

許乃尚書
之子也

送韓師之邵陽

昭王尚等黃金臺不信明時有棄才卞和在殺三
遭別燕石虛教十襲開華嶽正隨南鴈去劍門猶
阻止人來通家父子難忘誼獨自臨歧為爾哀

送殷近夫之青田

居士多年吸彩霞名區為吏豈須嗟括蒼自是佳
山水縣郭從來秀竹花且向石門搜異迹却憑霄
漢望仙槎目君試覓青田鶴為致玄裳絕頂砂

石門在青田憑霄漢用
揚大年括蒼郡齊志語

奉寄泉山先生

京洛風塵早退休亦知丹鳳愛崑丘共嗟令尹能
三已誰識希文抱二憂瑤圃踰躓看雪鶴滄洲搖
裔狎春鷗閩南燕北斷消息迢遞相思明月樓
晚過岩來次韻

世情我已知交態妙理君應悟濁醪燕菊再芳江
客老翔鴻群叫楚天高身衰漸欲歸鄉里風送誰
憐損羽毛此日塵沙俱白首少時豪氣謾教曹

芳一作開

得獻吉江西書

潯陽歸鴈數行書却慰青蓮為起予江上應遭魑
魅喜澤中休卜屈平居脩門工祝勤招此陽羨漁
樵任所如若問裘羊終老地秋深桐栢有吾廬

夜訪黃明甫

一別江湖十載前重逢京洛更依然相看莫恠顛

邊雪共話猶存袖裏篇霜葉巧吹樽酒席賓鳩暗
度菊花天秋堂悄悄寒更盡燈花青熒照醉眠

雨過徐舍人

長安六月苦炎雨到此軒窓輒爽然竹檻引陰障
赤日池臺涵影倒青天杖藜不恥蘇端過下榻翻
慙孺子懸一出衝泥終夕飲酣歌白首更誰憐

雨後汝立見過承詩韻

雨餘涼氣動虛堂沉接朝回畫省郎霽色翻林鳥
鳥樂暖風迴水菱荷香身遊京國悲燕市家在煙
波憶楚鄉一首清詩高詠罷斗間今夜減龍光

十六夜劉子宅對月次韻

公子華堂接鳳城，碧天遙捲暮煙輕。一年秋月仍
圓夜，萬里雲霄幾度晴。疑譜上清仙侶曲，況陪西
漢舊宗英。楚鄉兒女慙慙望，白首燕南空復情。

無題 回文

絃徽無罷試，高調怨恨深。春一遣銷眠，共月娥寒
悄悄。夢和雲鶴獨超超，煙沉碧海龍騰。劍霧捲青
霄，鳳引簫丘。火病多愁緒，結傳盃賀日，是歸橈。

送海岳陳翁還常州

毗陵山色眼中青，舟泛江淮接海溟。共惜燕臺千

里駁，空看社野少微星。從君欲隱張公洞，引我能

遊曲水亭。陸子井泉風味絕，清涼瀉石與誰聽。

常州分野屬斗張公洞曲水亭陸羽井俱在常州源出石穴出陸子泉志

送良伯

去年秋杪今年臘，客裏年年送遠行。北闕南陔臣
子戀，燕山楚水往來情。離亭日晚猶沽酒，江樹風
高不計程。却問回帆何處是，丹陽郭外早潮生。

以道席上送世其與其妹夫蕭執夫同行

燕山楚山雲長隨，歸轍初從衛岸移。攜手青春同
作伴，披雲白日獨難期。三江訪舊懷遺跡，五嶽尋

真袖贈詩身妹天涯俱可念應知見汝喜無悲

兩湖書屋

斷手何年此屋成雙湖夾鏡逼人清
鼉鼉影抱軒楹出星月光挫几案生
開卷沉潛應得力枕流瀟灑有餘情
汀洲日落江南晚欲採蘋花鼓柁行

送韓大之赴新都

流水縈回幾百回兩厓中斷劍門開
山從鳥鼠秋風過路指魚鳧暮峽來
自古相傳尊蜀帝知君應上望鄉臺
漢庭奏課誰堪比化俗文翁有茂才

送劉朝信之江山

雲木參差繞郭蒼故人於此佩銅章
千重嶺石通閩徼一帶川流隔越鄉
惟有袴襦騰白屋略無詞訟到黃堂
三衢自古佳山水吏隱何須舍始藏

簡汝立

為問仙郎辭鳳闕幾時回籍出燕闕寸心祗切趨
朝省殘俸無勞買隱山少室三花如可接淮南最
桂亦堪攀幽蘭結罷徒延行歲晚期君一訪還

蘇考功宅宴集

遙聞宮漏報踈鍾碧霧華堂映幾重
仙客主盟推藻鑑高朋滿座接
迎逢香飄歌扇雲行月露滴霓

袁鶴謦言松扶醉更携餘興去九衢星散斷人蹤

答盧侍御樊氏洞中觀梅見懷之作

觀梅驚動洛陽人玉樹霜威却自親駝馬亂嘶仙
洞雪繡衣偏映主家春秦樓寒重籠香霧郢曲調
高拂素塵東閣西臺多逸興參橫月落倚天津

送賈學士之南都

金陵閭闔九霄開萬里仙槎八月來地入南徐通
海瀆雲橫北固捧樓臺六朝形勝故天府五品官
衙近上台况復吳中傳賈賦三都不數左君才

和李宗易內翰立春作

燕中春至土牛迎綵勝銀幡裊晚晴栢葉西京隨
俗飲梅花東閣動詩情青絲可惜分纖手白首空
嗟對短檠遙想詞臣進閣帖喜催宮柳彩烟生

送施聘之侍御

官司耳目察民情已向清時賀鳳鳴巡部綉衣裁
多去出城駝馬辟人行澄清南國新持憲彈劾西
臺早著名霄漢幾時當奏事春風催轉上林鶯

送劉令還襄陵

君去襄陵是舊遊襄陵風土寇西州軒皇轍迹臨
平野漢帝旌旗拂素流村巷豈無騎竹馬官池應

有載花舟鸞棲枳棘還堪歎莫遣雙鳧更滯留

送都南濠歸吳

垂老馮唐辭聖主却尋初服送流年豈惟同舍皆
懷誼亦有行途共嘆賢瓜步洲邊臨水驛丹陽郭
外候潮舫他時載酒門前過卒業揚雄所草玄

輓陳翁

俱已何忍慟人琴白日長摧玉樹陰身後聲名垂
墓碣生前著述在儒林雲天共歎冥鴻逝華表空
傳化鶴吟獨為斯人頻滴淚西風誰識壯夫心

西風壯夫淚多為
程顥滴山谷詩句

送杭憲副兵備天津二首

捧節朝辭五鳳樓聒天金鼓衛川舟腦中運用韜
三略心上精微綜九流漕輓常通河道順風光不
減武昌游畿南重鎮紆籌策投筆何須萬里侯
前程一上望京樓更泛龍驤萬斛舟憲節雄臨三
輔鎮牙旌直壓九河流軍中鼓吹賡笳曲幕下弓
刀侍宴游遙想春天親水操戈舡橫海傲陽侯

謁李文達祠堂

一氣洪鈞轉渾茫三楊勲業過前光訐謔正資殫
心腹負荷允因硬脊梁寇老精靈真可敬若教功

烈永難忘焚香稽首瞻遺像冕疑如坐廟堂

行慶堂為無錫錢世喬作

名族毗陵列姓苑堂成行慶子孫繁西山爽氣來
蒼戶陸水清泉發石源已向竹梧看鷓峙未逢雲
兩作龍蟠高車駟馬後今始早識于公大了門

寄世恩愛日樓

樓成適值采蘭行愛日吾知固得名報答三春憐
寸草徘徊一日苦深情江鄉易供鱠魚味海岸非
無竹笋生抵是登茲可惜者西飛難住萬金輕

送闕郡傅

敢歎清時名位微郡庠教授亦榮輝群公登省知
誰是俗學回頭悟昨非詎聽諸生驪曲去應歌貢
士鹿鳴故高文寡和還堪恨自是我洋識者稀

送吳內訓之內丘

城閣虛寒夏木陰儒宮窈窕隱深林煙潭時送蛟
龍雨風壑常聞席豹吟誰舉斯文添助教敢云當
路有知音白頭共作臨歧別青眼何時更盍簪

鱗魚

五月南烹到北燕誰沾恩幸得嘗先偏領羅帕中
璫第早出金盤外威筵玉鬣風馳千里驛銀鱗水

護一江舡砭人細骨還堪惜時物年年尚食傳

兩過何太僕

吾宗膠凍重陳雷每到華軒却忘回鮮彩吐虹橫
海出洩雲吹雨洒城來西池舊夢仍青草東閣新
詩為早梅案上陰符期一試兵戈滿地苦相催

讎符中誤也及其

為隴州李舉人壽其伯尚書公

尚書得謝已西還瀟洒流年送碧山偉度長瞻隴
省外高風猶想履聲聞空餘老鶴冲霄志不改貞
松立雪顏况復清談容小阮竹林標致可追攀

天壇雷道士院

郊時周垣繚帝畿玄都仙觀接因依玉簫吹徹青
霄去絳節朝駮白鶴歸瓊洞樹陰移渺渺石壇雲
影落微微相逢欲問長生錄鼎竅空嗟願已違

送王御史德輝西巡

駮馬西関攬轡巡朔方風采一時新洮雲笳鼓三
邊月榆塞耕桑萬里春河套行聞還漢地魯台今
見作蕃臣從容談笑銷危亂猛士休誇掃戰塵

河套本定襄地見失於正統初

送衛進士推武昌

城臨鄂渚萬家居佐郡優游却自如野火獵故雲
夢兒危霜膾罷漢江魚初秋赤壁仙遊後千古樊
山霸氣餘好箇風流陪庾令南樓月色動沙塵

庾霜膾玄
鮒本韓句

送顧隱君還常州君來覘姪中書子進士

日邊來往喜相聞握手都門忽此分
大阮仍教文度別嚴君燕河旅鴈送秋月
楚水故帆拂曉雲想到晉陵開酒席東籬佳菊吐霜芬

晉陵常
州郡號

十六夜尹舍人宅次劉汝忠韻

昨夜清光最一年華堂同翫月仍圓
休將盈缺分今夕亦信陰晴共一天
殘漏迢迢來紫禁餘輝翳翳照芳筵
劉郎忽報雲霄曲欲和霓裳興已偏

九日獨酌簡何太僕

秋晚闕河菊有芳蕭條獨酌負重陽
登高何處後君醉落帽無人笑我狂
歎縣涪江同此日燕南楚北各他鄉
樽前共插茱萸飲弟勸兄酬不可忘

冬至

半夜潛雷出地深一陽初動伏群陰
貞元二畫包犧易三十六宮邵子吟
甫若掩闕存聖戒盎然生

物驗吾心春風漸到江南岸梅柳含榮定滿林

送抗大參之河南

才兼文武氣沉雄建節名藩荷至公漢室寵綏閑
內外周家分理陝西東千班雷動牙旗底八郡風
生叱咤中汝鄧政聲頂第一皇朝耳目行鳧鴻

同馮光祿登慈仁寺閣

偶同光祿給園遊歷盡丹梯上梵樓鬱鬱慈雲籠
佛界恣恣佳氣滿皇州海門初日當軒湧天半明
河掛屋流却怕鐘聲還報客淵明愁色上眉頭

哭公道

客裡聞君絕筆吟死生相訣便驚心天寒塞北家
何在路遠關西雪正深簫輓猶傳萬里曲匣琴空
闕澗泉音郭門一慟親朋散旅櫬何時返故林

送以正歸其兄櫬還關中

獨扶旅櫬向雲山陝路遙遲跋涉難河水濺濺流
渭水燕閔渺渺接秦關鴛原落羽傷心惡荊樹殘
花滿目斑死別生離俱自此更慘征袖映潺湲
賢兄未得試高文身後經營賴有君書劍親身故
陝路家人招復向燕雲不堪含淚攀輿慟况此臨
歧握手分小茅長安腸欲斷誰將消息報渠聞

二月見梅

梅花春半始盈枝不與孤山雪月期桃李恩光寧
假借屋簷斜入故低垂化工未必分南北稟命原
因有早遲莫論同開同結子金盤薦了不同時

屋簷斜入一枝低林和靖詠梅詩句山谷所賞

送蔣子雲冬官病還揚州

東風悵別出都門重對何時謂北擗卧榻長安塵
土積掛帆淮海水天昏身沾楚岸蘼蕪雨家在廣
陵楊柳村二十四橋明月夜相思千里各銷魂

九日同張劉遊法嚴寺

九日東林誰伴到張劉邀我共幽尋空中仙樂疑
同聽臺上天花許並臨僻地風篁猶古韻廣庭霜
檜易秋陰沉吟不覺暝鴉集出寺猶聞清磬音

上郭价夫內翰聊寫墮珠之痛無致夢蘭之望

愛河流注經千劫冤血潛焉豈易收掌上玄珠嗟
自墮蚌中明月為誰留玉川命子何関我東野聞
言始叩頭蘭夢春來應不晚圖書萬卷可無憂

對雪

九陌銀杯逐馬行紛披雲勢掃還生隨風斜整應

無數映日霏微轉有情廣廈欲庇天下士大裘誰
蓋洛陽城當爐投簡俱閑事閉戶高春曉味成

掃路見雪
擬韓句也

閣直立春日雪

節候當春雪意豪九重寒色噤仙桃洒窓吹冷金
蓮燭飄現生澌玉兔毫絲燕盤空沾翅濕蒼龍掛
闕凍鱗高侍臣最有能詞賦朝罷爭看點錦袍

送崑山王令還

漢庭絲舄雙鳧至吳郡仙槎萬里回酒戰酣餘能
卷甲詩鋒掃罷尚啣枚風塵又是青罇別江海那

堪白髮催君到館娃春正早會日來使寄官梅

懷寄邊子

彤庭出入侍文皇此樂從知不可常天上辰商星
落落世間萍水海茫茫夢中曾識金明路袖裡猶
飄玉斝香白首故人心莫違唯將舊好繼潘楊

題嚴內翰賜扇

端陽綵扇尚方傳隨例宮臣荷賜偏象轂銀環尤
異數翰林供奉為多年動搖自挾霜吹至圓映還
隨月體懸願與變龍陪舜殿薰風終日和寫絃

領角內翰適
得象轂銀環

寄題鄭園

聞道三山鄭氏園寥寥鷄犬隔囂喧遙看雲木疑
非世行盡清溪忽有源天外幾數冥鷹逝海濱徒
想蟄龍蟠浮遊五嶽尋真去袖裡丹經剩欲翻

立春

燕中節候當春立瓊島輕冰照綠潭暖入宮梅香
嫩吐風催苑柳翠嬌含一官持底悲京裡數畝田
園隔汝南為問紙紅田幾日姑需告滿便抽簪

瓊島在太液池中

送陸舍人使吳下

金羈回岸舫如飛却喜仙郎畫錦故清望中書華
省容榮光一品上公衣六朝形勝隨公輩千古興
亡有是非此去登臨多雅詠才名吳下擅雲機

送徐舍人使南都

手捧天書出殿扉南徐使牡詠駉駉津亭月到愁
青瑣野寺鍾鳴憶翠微天遠樓臺橫北固地迴江
漢抱南畿一春詩社從今冷東省何人對紫微

送秦豫齋南故領安仁

京國曾同兩歲遊孤舟相別在河洲悠悠聚散燕
鴻去渺渺浮沉楚水流吳嶺暮雲橫榻上錦江新

月掛城頭越中泉石君故日瀑布懸厓雨洗秋

吳嶺錦江瀑
布俱在安仁

送李長蘆先生

藹然蘭室襲薰親目擊吾知道已存南斗聲名傾
海宇西京冠蓋溢都門清朝共惜儒臣去白首難
忘國士思悵望河壩雲日遠孤帆出沒浪花昏

送徐主事還金陵

仙郎三月發燕京遙指南都舊帝城夕岸飄花添
別淚春帆細雨動鄉情日沉隋寺宮潮暗草綠秦
淮輦路平君去鳳凰臺上望龍盤席踞五雲生

送夏少參之蜀

雨餘樹杪百泉流秋熟樽鷓歲有收遂使少參分
理去即令全蜀罷誅求散花樓上酌閑興濯錦江
邊決勝遊且和草堂恢大雅千詩何羨萬家侯

山中一夜雨樹杪百重泉
本玉摩詰送人蜀中詩

至日過徐德章

半夜雷聲發屋隈緹帷先覺動葭灰天機人事循
環妙萬六千門次茅開汝上故情春共至江邊物
態日相催朝來偶滯君家酒不省黃昏倒載回

陸子樓夜集

丹榜褒褒臨西郭冷對垂虹掛正峰可念燕中冠
蓋會還疑吳下校樓逢千街漲霧連闌闔萬井喧
雷雜鼓鍾殘雪未消宜待月明朝日出各匆匆

望雪

燕山昨夜凍雲生歲暮悠悠楚客情天出六花標
上瑞人傳三白驗西成飄飄乍覺垣衣淨脉脉旋
看瓦隴平潤到江南膏土脉春歸要與老農耕

送周令之蒙城中

屬陽古鍾御吟

雄豪海內似君無說劍談兵膽氣麤盡省郎官新
縣尹鍾離山水舊名都青衫似屈凌雲筆白髮還

慙鍊藥爐歲晚故朝應不遠却從天外候雙鳧

函谷草堂贈廷綸

何年手剪故山萊喜見茅茨向此開縹緲華峰空
外出逶迤紫氣望中來奸人敢售九泥計聖代要
須管鑰才為報過關游說客棄儒西去幾時回

行前山菜
宋之問句也

各以行人

悵念賢兄掩若堂開懷何幸對三郎得君珠璧驚
人句盥手薔薇浥露香蜀國子雲今異世關西伯
起舊同鄉巷南巷北無多地肯過松函飲月光

石磯

石磯經雨洗青苔四面湖光表裡開
落月動沙鷺鷺起輕舸隔岸喚人來
披裘還與客星隱投釣翻
懸帝佐才安得玉虹搖艇去春風倚棹鬱孤臺
元夕以道宅同蘇管二君子

線旛春色瑞烟凝不夜城疑化日升
鼉吼天門千杖鼓鳳嚙珠樹九華燈
宣催驪馬簪俱盍醉遍樓臺句共憑
欲和秦中三秀士老夫才盡百無能

挽范君山和其絕筆詩

百年身世寄浮休若問生涯向橘州
草樹遺廬湖

上閉乾坤爽氣斗南收
依違篇令丹砂願笑謝廬
教碧海遊他日孤舟瀟水岸
斷猿催淚叫清秋

挽君也

雲卿見訪次韻

每見雲卿心若灰
當今誰惜濟時才
南州久下陳蕃榻
河朔曾傳袁紹杯
世事紛紛嗟我老
京居卒卒喜君來
明沙細柳殘樽在
盡醉何妨倒載回

封君許太史公壽章

仙籍名登第幾編
賀賓駢集竟馳箋
霞舒彩鶴傳詞苑
春醉蟠桃奉壽筵
老子恩榮金馬地
郎君班

序玉皇前鎮家有寶驚人眼燦爛宸奎並日懸

過寺訪以行

今春何以慰相思病起東林步屣遲問法遠公誰
結伴參尋陸子為同時柳花滿店沽香醴草色臨
池報好詩共向招提聯杖屨碧蘿烟月有幽期

送戴進士時亮

高翔寥廓謝皇州不似蒼鷹韞上留遂使盧敖從
若士何如子晉接浮丘赤城隱隱登臨池碧海迢
迢十二樓早晚剡溪佳興發雪中那肯負清遊
登樓觀閣時王明叔邀張用照段德光王敬

夫康德涵同遊

層樓盤礴倚高岑裊裊丹梯紫閣陰金掌日華孤
映動漢宮雲物盡消沈差池舞袖隨仙舄燦爛文
星照翰林莫叱香山與洛社風流未必勝於今

德涵海字
官翰林修撰

長空澹澹鳥飛孤秦苑微茫繞綠蕪閑令紫氣今
泯滅漢皇仙露竟虛無洪河清渭真天府泰乙終
南舊帝都鄩杜豪遊千古地風流文雅屬吾徒

朝川

千峰環擁是藍田萬壑濼流會一川工部詩篇從

古絕右丞圖畫至今傳
桃花隨水迷村塢
竹樹攢雲隱洞天
况復商顏饒紫草
世人空說武陵仙

華州作東汝公

禪房蕭洒迥離塵
雨過河山氣象新
白帝秋光浮太華
新豐樹色繞咸秦
杖藜他日聞真諦
洗鉢餘斗送身
玉井峰頭蓮上丈
不知拈笑向何人

劉士寄張時濟過觀雪竹

歲暮闕城霰雪繁
脩脩兼竹暎南軒
朔風海急寒拜緊
瞋鵲棲迷凍影翻
絃入伯牙慚郢曲
氣凌彭澤憶睢園
願言三益時開徑
清賞頻來勿憚煩

送胡丞之北上

胡生乃是秦中雋
一舉凌霄六翮長
異代文章同賈馬
當今治道迷虞唐
雲間斗柄槎邊影
天上爐烟袖裡香
此去省郎須俯拾
應知草奏覲明光

送盛斯徵巡撫四川

高才自結聖明知
川合東西一節馳
玉壘霜風吹曉角
錦城花月媚春旗
渡瀘懸合先謀定
治蜀還應舊俗宜
雪嶺蓬婆收拾地
莫教勲業鏡中遲

余讀何景明七言近體愛其清鍊續以和之錄得若干首傳之吟社

敬亭先生集卷之五

敬亭先生集卷之六

詩 燕榭唱酬集上

次白沙和百榭樓韻

雄恢締構緬前脩物色分留使節遊徑仄雉城臨
絕岸天涵江氣入虛樓夜闌星斗三更夢雲豁青
齊片帆秋附驥顯名方自此敢將吾道歎悠悠

帆依杜韓
作去聲

過生陽館有感

瓦礫郊墟遍干戈歲月增經營寬不迫體勢穩相
稱扁額 皇華妙文章相國能眼前猶突兀感舊

涕垂膺

沈人守鄰日創始斷手於甲午秋一本

依前韻謝石樓

勲業傳逾遠文章價益增
陶銘為可愧沒世疾無
稱憲席追陪末台箇醉吐
能乘槎還有分高誅氣
填膺

復次求教

海岱山川秀鹽絺貢賦增
青齊餘霸烈管晏敢羞
稱觀樂行人是述遊大史
能鑿閭路尚阻戎狄幾
時膺

練光亭感舊遊

慈闈華堂禮上賓翠娥嬌
拂繡衣塵柳猜晉王腰
肢細鶯妬香蘭曲調新
天上綵船能復坐鏡邊
丹檻更誰親風流不稱
雙鬢鬢懶向青樓問麗人

新安館迎春堂次西垞相公韻

笑殺風流杜牧之尋春密
約在花枝誰知二十年
前客白首重來續舊詩
萬曆壬寅冬朝京留此
十餘日今來已踰兩紀矣

感而賦之

謝成川丁使君寄玉杯

妙蓮花訝掌中開遠餉
槎翁出峽來月明滄海
仙洲近擬酌金莖露一杯

次石樓解纜亭韻

維舟浦口值新晴應為爐香薦絮誠隱約烟鬢千
點露橫斜帆影片時呈星槎穩占朝天路海月孤
懸戀主情遙想宿雲鵬際落登萊如畫眼雙明
騷人遙倚木蘭舟幾日登萊片帆收五鳳樓前仙
仗合請觀周樂慕延州

帆去聲

舟中述懷八首

在撥

榜人喧夜語潮滿夢初醒枕底聞溟渤蓬頭見月
星輕槎窮海岱平野眺徐青誰識三韓客重來謁
帝庭

威顏違咫尺 天語耳猶盈始識 王靈大能令

渤澥平乘槎萬里遠許 國寸心明稽首乾坤惠

焚香謝再生

遙憶病羸形單喪子餘來時頗率爾別後定何
如可使能煎粥不聞更詈予風波仍阻雨誰寄六

雷書

有弟今安否衰年此別難天長鷓鴣少風惡鶴鴒

寒 聖主恩榮厚台軒禮數寬應知好行邁把酒

更團圓

供筵頻剪髻舉案亦齊眉太常長齋日劉伶頌酒

時今為萬里別動是隔年期珍重臨行戒知非妬
婦辭

驥子憐渠小眉疎骨秀清楚楚臨池筆琅琅詠史
聲吾無譽子癖爾有癖翁情今宵滄海月遙憶百
憂生

鄉友鵝洲老文休不足傳儒林曾擢秀黨塾幾交
游孤燭寒泉夜片帆渤海秋相思不可見天地入
搔頭寒泉中友齋所前一絕云亂山無月子規啼話別更深燭影低此後相思向處是青齊

入舟翻不樂何以整憂端夢寐相思苦風濤會面

難時時并舫語脉脉倚篷看寄憶無情物流天月

一團右奉兩使茶下用杜句

次石樓韻

莫問人間乘與除江湖終老恥端居有懷台閣客
操箒不怕山卿上薦書叔夜形骸同土木東平禮
法付蘧蔭倘微相國汪汪海齋閣何緣卧晏如

舟中有感牛車

舟人遙指鳳凰城只隔龍灣一日程白鳥去邊滄
海濶青山盡處夕陽明星臨槎閣通銀漢雲近蓬
萊認玉京誰料餘生隨百辟重聞天樂不勝情

題冊巖并序

諸船棹入牛島命梢工棹過冊巖以便取
汲昨日望見之島或斷或續斷處遂成海
門惟茅四五之間約五十步白沙橫作門
限其內外水勢盪射不能越茅五島之盡
處石壁回曲如窩房可容十几其內白沙
半露半沉俄而潮退乾淨可坐前有絕壁
削立如浮圖高可數十丈有鳥類鵲而巢
其絕頂其南百步許有素嶼圓秀類香爐
然其背地勢壑長窳平連綿側展俯臨海

汀白沙彌望此間不着摩詰則詩畫無功
矣竟日吟嘯頓忘風濤之苦豈造物者為
我迴棹以償奇絕之債耶為賦短句識之
而去

緩截琉璃面泓洄錦屏腰平沙橫作限危石側成
橋中斷排崑卦頭連布良爻為憐奇絕境終夕鼓
蘭橈

昨宵望見船上點燈力櫓追泊于鹿島因述
所懷請教於兩位閣下

瞻望尚書相國船夜深齋閣一燈懸頻揮羽扇催

鳴櫓獨倚牙檣聽叩舷星斗去人疑咫尺乾坤浮
水混方圓但將忠信為當做要試風波恐未然歷
盡羊腸盤百八會須鵬翼擊三千輕查漸近東南
岸遙辨青徐一點烟青徐實境也天朝

次石樓韻城島

曉夢初驚健櫓鳴風濤浩蕩杳前旌台船近遠憑
誰問耿耿踈燈霧裡明
蒲帆新葭暗傷神白髮朝來箇箇新只尺風濤難
會面隔船還似異鄉人
石城東望路茫茫一半離心在漢陽但有清歌寬

客恨不妨呼作莫愁鄉

走次白沙令韻兼呈台案

海天難的是陰晴蓬底煩蒸未易清船步孰與疑
我界村墟索未厭華聲越吟帶病因懷土魯酒容
愁不破城明日舉帆頻送目離心一併望鄉生

次白沙令韻兼呈台案

解纜妨晨霧斜帆受夕風浮沉同宦海行止聽篙
工縱觀青齊境高張勸解蓬坡翁亦太狹鯨鱠陋
韓公

又次三絕

莫問蘭舟鳴綠酒紅粧一陣送行時
回槎好繼吳都憲唱得新詞折柳枝

折柳枝都憲歌曲名

偃卧舟中氣體安長山一點縵彈丸仙區到處皆

奇絕只恨無緣蕩漿看

長山島名屬錦州衛

海路由來無定準陰晴風雨捲關天商人只慣如

平地白日攤錢逆浪船

題長山島絕壁并序

長山島之近北數里許絕壁巉巖如展活
畫前有五石峰刻削離立如玉筍尖西巖
有蟠松一粒冠其顛古怪絕妙畫所不及

遂緩棹容與飽觀而行但獨享為愧且有

非吾土之嘆謹次前示台韻不出鄭志伏

乞台諒

冠壁憐松蓋蟠空訝屋樓移舟仙島近攀桂小山
留信義非吾土懷歸趁素秋所祈通旱路允塞頌

王猶

謝白沙次冊巖韻

伏奉和叶嘆其工密就全篇內換做割袞補裙誠

笑一

挿海霜鰲骨蟠空鐵壁腰松堪收禹貢石或斷秦
橋古穴巖書卷崩崖拆繇文平生奇絕處臨叢更

停梳

蘇詩蘇遊奇
冠平生

次白沙令韻兼上台案以俟覆瓿

舟人各獻說難於聽訟斷是謂行邁謀不集誠可
嘆還同談律吏隨問通條貫拔萃定甲乙如經試
言判今晨幸澄霽日出氛祲散但了波羅蜜真成
到彼岸三生結宿緣幸忝同槎伴奚啻浴沂徒五
六人童冠二公運風斤斲我鼻端漫蛙咬孰環聽
耳盈關睢亂豈惟舒糾繚於道亦不畔殊勝聽小
言炎炎害與縵浮海緬幼安遘豺哀王粲日望捷
書至勦平遠虜叛快取早路回八渡河畧半贈我

青玉案報微錦繡改他時替顏面無忌渴睡漢

自王京至帝都東站之八
渡河畧其半故謂之半塗河

賈客懸燈夜筭銀舟人澆酒早迎神山遥氛侵豎
閣塞天近星槎折木津浮海管寧真處士觀周季
札是行人面車叱馭休分別孝子方為授命臣
煌煌使節下青冥 聖代提封匝四溟浪暎鰲身
空外黑雲橫岱首望中青風帆穩送喻天險道里
休勞閱地經擎 詔東還知不遠 皇朝方急樹
藩屏

屈指朝京二十年流行坎止摠關天人間着處都

如夢帝所重来信有緣紫陌遊觀皆舊迹錦囊收
拾即新篇問他城市悲歌客劍術如今肯重燕

輕秦重燕
本温公論

不知天遣幾時迴趁得西風八月來歸興只憑長
短句客愁聊洗淺深盃乘風破浪寧非幸附驥成
名愧不才擁郭笙歌迎使節陪公先上返槎臺

宣浦鎮廳前有石壁臨海汀
正使台監命之以返槎臺

白首重来入帝鄉河堤依舊暎垂楊修容先謁儀
曹署問禮須師柱下巖拜 賜便傾光祿酒繼庖
徒費太官羊 中朝文物超前代河伯能無愧望

洋

昭代車書萬里通鑿間今滿片雲中登壇猶是屬
元老拊髀胡為勞 聖躬願舉六師申九伐無忘
四世作三公穀城黃石今應在誰識當時圮上翁

秦軍門或是君山之後
穀城在東阿縣故及之

以減米散同舟路難思共濟為韻諭舟人

風浪駕高篷起居常頓撼憂端日日增餐飯朝朝
減

胡越不相及同舟即兄弟念汝抱長飢減我橐中
米

力櫓運舟楫擔筒共炊爨辛苦不可忘人間足聚

散

後於陳蔡間生死與回同今我一舟人共此憂患

中

使船交海上來往春復秋他年風霧裡應說茅三

舟

海行船格等題名雜擬故有數三往來者余之所坐船一行嘯為三船故及之

早路尚辛勤况此由海路我夢多見之無乃牧與

圃

莊叟云忠信不擇事而安湯火尚不避敢辭風水

難

故國日已遠緲緲何所思王昂陳 天陞秋以為

歸期

風波積苦辛憂患與汝共散我斗升儲給爾晨晡

供

跋涉風濤險努力期共濟貴賤各有命相須為一

體

次白少韻

獵獵輕風弄畫旗歸心自速怕舟遲他年浴下相

逢日却話黃城夜泊時

水城門外早潮生猶是孤帆半日程風烟底處真

登州集卷之六
堪盡人倚樓臺一笛橫
水村山郭晚晴時遙認青樓颺酒旗
蘭舟漸近江
南岸爭捲珠簾望海湄

食杏瓜棗有感

水盤薦果感年華萬里嘗新憶在家
別後光陰君莫問來時屋角暎紅霞
憶在東陵故侯家
纔看抽葉露凝華中原節物應差早
六月初旬已見瓜
火棗生津合病身安期瓜大未為真
華人最得乾巖法六月還看摘若新

登州詠懷

騷人遙倚木蘭舟落帆山東第一州
笑殺秋風蘇李子穆陵關外繫貂裘

帆後杜韓作去聲

登州即事

登州城外風濤翻登州城中鼓吹喧
六郡東南都會處四方舟楫一城門
天低海嶠嵐光潤雲襯樓臺水氣昏
今夜月明蓬閣靜葛巾瀟洒對青樽

城西北隅有樓曰蓬萊閣
外城北門名曰水城門

卧病在登州

小窓孤坐夜更深片雨空階碎客心
家在海東千

萬里頻呼僮僕作南音

登蓬萊閣題蘇仙觀海市詩碑後

寓形宇內為男子到得登州有幾人
海市與人俱變滅蘇仙詩筆灑千春

登州竹枝歌三絕次石樓台韻

掛席何曾風浪生水城西去片時程
蓬萊樓上一登望浦口烟深舟自橫

船尾銅鉦船頭旗浪花拍天帆到遲
即今晚泊水城口急上粧樓望即時

九月知非斷纜時西風陣陣捲行旗
登州城裡饒

錢帛即獨長年勸解酒

次白沙韻在登州作

桂蜜嬋娟海氣濛月光如水水如空
醉卧蓬萊樓百尺不知身在廣寒宮

撫院飭蓬萊縣設宴於教場兩使俱赴
余以病獨不赴

二公俱赴蓬萊宴獨卧禪床謔寂寥
無人肯問維摩病耿耿城東戀使軺

次吳晴川弭災增祉詩卷韻

建牙方竣紫泥除頌得貅貅擣磧
廬地別華夷元

有在天生賢傑意何如行佩漢家金鑄印仔看長
狄骨專車未諳躍馬前程遠始信虛中術亦踈

平仄依本詩

又次吳晴川韻

病中伏誦感什有禪趣想於此箇門中有得力處敢用本

色語錄奉二首以印可

離幻年來妄見除僧廬誰識是吾廬要知勝果隨
緣得敢舉他非不我如偶入空門斬一面須從法
界演三車閻浮世事無真實打疊如今慎勿踈

他非不用類類舉已過要須旋旋除乃古德語也

無明處界盡銷除六用如如自在居白業向來超

淨土青蓮元不染汙渠同緣偶接袈裟客隨喜常
持貝葉書何日溪南聽妙偈從頭八萬四千餘

嘗西瓜有感走筆

抽刀斫破蒼玉瓶玉粒市市瓊漿翻此日嘗新任
轉蓬令人忽憶在故園故園何在千萬里鶴麓之
下水溪源瓜壘芋疇相接畛密葉布烟堆罌盆濯
以清泉薦冰盤况有佳賓來在門金椀蔗漿不足
數前滌長夏之蒸煩却望故園不可致呼兒覓紙
筆復援

呈白沙

伏奉和教長律一篇不勝歡嘆謹呈白沙疊前韻聊述田園之興幸賜介教

幽居瀟洒送朝昏水入柴扉碧浪翻偶償逋租仍
置圃寧勞鑿隧為澆園謀生恥逐工商未務本思
弘貨食源盈尺芋魁收地窖繞籬瓜蔓綴瓶盆逸
人荷篠時爭席好事携鷓或過門自闕異能經世
務非追高蹈避喧煩東還便作歸田賦敢望要津
借汲援

題開元寺

寺在登州城中唐開元
中所創也一行寓焉

開元皇帝好神仙竺教兼崇結勝緣沙界衆生依
佛日龍倫八部護諸天遠人來討客塵喻老衲空
叅鬼窟禪面壁好調摩詰病朝朝車馬寺門前

次石樓遊蓬萊閣韻

半空飛閣拂明河畫棟霏霏映落霞萬里滄溟天
外合數聲柔櫓月邊過方隅設險城如鐵絕域占
雲海不波倚檻却疑槎犯斗玉京遙在析津涯

燕都古
析津府

登蓬萊閣

秦皇漢武遣方士望
海中蓬萊山故名

門虛碧浪湧樓迴綵霞明水落田橫寨天低不夜
城秦皇何所得漢帝亦無成遠客憑欄久滄溟月
又生門即水

次杏村主人樓題韻

杏村主人樓題韻

蘇陰綠縵當紛葩絕勝春天賞韻花繞磴風烟迷
粉堞暎空樓觀雜霏霞誰知客路吟詩處猶是村
童郵酒家却記清灤萬柳塢寄題還與北人詩

永平府有名園
號曰萬柳庄

黃山驛途中有感

揮汗黃塵六月天
筭與伊軋擔夫有殊邦
忽訝鄉山近驛路槐陰處處蟬

題東萊書院贍士田碑

恭惟大著呂先生麗澤當時友
考亭道學源流傳
後世儒宮俎豆奉遺靈
移家孀女贍桑梓嗣德東

萊仰典刑贍士有田經久遠
聖朝文治本惟馨

過青州次白沙韻

茫茫禹跡畫為州
表裏山河氣像優
夢想只憑青社志
身經何羨子長遊
中書有分援行篋
從事無勞洗客愁
悵望牛山秋興送
景公何事淚空流
海岱開青社
秋空氣勢崇
維淄經禹跡
窈窕詠齊風
巧智嗤三窟
游談想七雄
興亡千百變
山水古今同

過維河

一云背囊河韓
信破龍且處也

囊沙小智未為奇
自是龍且拙
應機半渡爭鋒宜

取敗全師姑待項王歸

再疊

囊沙鑿木世稱奇直是踈機偶中機不悟漢王馳
入壁從容卧內奪符歸
淮陰曾服左車奇堅子何能會戰機勝敗悠悠無
處問下江烟雨鳥飛歸

題彌陀寺

青州郭外彌陀寺創自熙寧紀曆年已際真儒興
五百誰教竺法遍三千挿空斗柄垂珠網繞閣鍾
聲殷梵天笑了英雄如過鳥獨留詩句揖蘇仙

過淄河

淄河雖細流虞史繫青州沉濫初除患胼胝屢導
修姦人吁可恠別味用干求微禹其魚嘆臨流意
轉悠

青州

十二山河屬 聖朝三齊霸業一毫毛魯連意氣
傾千古公子風流冠四豪漢帝求仙蓬島遠秦皇
鞭石海門高安期舊迹今應在白日吹笙醉碧桃

牛山

在臨淄縣南十里

景公昔登茲胡為浪沾棠據也從君者歎歎泣在

傍有興必有廢此樂安可常諒哉平仲言可以牖
昏狂瞻彼鷓鴣墟何獨吊荒丘至今猶濯濯余意
警言牛羊

次白沙韻

受封青社歲年賒肇自周王倒載戈伯佐有才嫌
器小主盟無德尚功多南巡衡岳儀如岱東決平
原策洽河俯仰悠悠千古事晚晴漁店一聲歌

過齊桓公墓

無忌在莒日置相射鈞臣伐楚王靈振尊周霸業
新如何動遠略又復近刑人一片荒原石停驂為

愴神

過齊景公墓

民歌陳氏惠感頽視公宮出涕女吳國何心誅祝
工非無晏子救猶沮仲尼封千古留餘笑梁丘與
我同

齊宣王墓

王疾雖多愆天資却近淳招延稷下士矜武國中
人所患迷功利何由制楚秦荒墳臨路左千載為
悲辛

過田單墓

七季爭雄際田公一世英火牛終奏捷鐵籠始知名橫帶澠淄樂援抱矢石爭垂聲百代下見屈魯連生

白沙以余題東萊書院瞻士田碑詩為韻險而難和遂再疊以竢郢斤

路傍時雨潤嘉生閱盡長亭復短亭鄉國遺風崇正學 聖朝祠曲像英靈道同濂洛惟明理術異申韓不尚刑培養人材知有自善我方屬至治馨

過馮尚書墓

翰林華蓋近天墀八座文昌踐斗司晉幄橫經資

密勿虞庭典禮贊匡維伏蒲大計封儲日屬續忠言戀主時石馬無聲荒草裏恭瞻松栢不勝悲

馮公遺疏云病危戀主恭進微言云云

奉次台韻

病與憂相伴行隨老見侵嗟我空彈鋏悔殺不抽簪已徧三齊境難據萬里襟青州從事在未遽托知音

病廢酒故落句及之

過范文正讀書堂二首

在長山縣西

范公後樂先憂志進退江湖廊廟俱抱負雖云天度量擴充惟在聖工夫讀書有空人爭慕立德傳

家士競趨欲舉籃輿那可得斜陽駐馬古城隅
偶得希文舊學堂相傳即是鄭公鄉留情傳註功
雖苦後樂君民志可量遠井已無書帶草滿池惟
有藕花香徘徊懷范樓前路興入山高與水長

黟山堂鄭康成註詩書之處古井有書帶草
范文正少時將學於此後人起棟范樓傍有

池白蓮

過伏生故里

在長山縣
西十八里

先生秦博士漢興尚家居功在焚坑後經資撥拾
初歲書未出壁教授已盈間白首紛如歎那堪過
故墟

雍齒墓

雍齒何如者無功以怨佚本非高祖意蓋出子房
謀縱弒以中謗其如天下尤孤墳隱憂草十載亦
包羞

次劉家店寄題台韻

醉酒青帘報客知綠楊障日上窓遲主人借我遊
仙枕卧看兒曹角兩基

廳堂掃洒為嘉賓床卓投壺取次陳不類路傍車
馬地箇中疑有草玄人

過管晏墓

士窮節乃見觀人必貧賤况于交際間心術尤可
見嗟哉管鮑交不以窮達變平仲久而敬宣尼稱
其善鄰孟賁備言余姑不暇辨嗚呼世道衰後來
繼者鮮吐膽強然諾心期本不淺誰知九疑峰乃
在相對面所以廣絕交藉口馳論辯我來瞻廟貌
儼然俱冠冕如令薄夫見爾顏能無覘我願捐錢
帛庭籬稍修繕洒掃數不缺勿令牛羊踐何處繫
年月麗牲石一片

過東方朔墓

在陵縣城東二十五里

三偷王母拋來依金門客一朝辭萬乘登空拊龍

角天上有歲星人間無方朔千秋一片墳乃在城
東北至今燕齊士猶說長生術

過王裒故里

先生生丁黃運未權臣擅命專殺戮父死非法力
不贍中夜枕戈傷獨鹿終身不作西向坐况口當
時典午粟浹著墓畔松栢枯詩廢門人羨我讀先
生去今千餘載敬慕遺編嘗嘆服豈料今日式故
閭俯仰風神如在目為誦哀哀父母句喬樹悲風
助嗚咽君不見嵇康之子為侍中蕩陰翼帝衣襟
血

華不注行在濟南府城東北一十五里玉皇
訛傳也姑依所
傳或以賦之

昔誦青蓮詩登華不注峯茲山何秀峻蒼翠如芙蓉
偶逢綠毛女知是逸秦宮授余度世訣含笑願
相從邇來三千年蓬萊水清淺乘槎朝玉京跋涉
齊魯卒忽見真面目使我轉清眇無乃巨靈氏壁
開山一面一在歷城傍一在華陰鄉我欲攀明星
稽首祈玉皇空窈窕度石壇俯瞰呂公堂王女窓猶
存碧霞生氣氤手中綠玉杖柱倒洗頭盆神通兩
無碍悅惚安可言飛章碧峯裏要與道友論

趵突泉次王陽明韻

依本詩
效吳體

濟南奇勝世間無妙契仙翁藏一壺雪浪魚烹泉
眼涌蟄龍噴薄尾間枯一軒瀟灑漱寒玉萬象虛
明開鑑湖偶着水川老居士瑤池影裏據床孤
三伏炎蒸定有無迎風露殿置水壺沓流不待水
經驗潭沸何曾泉眼枯爽耳泠泠韻古磬醒心湛
湛涵靈湖庖眉道士坐終日清簟踈簾看鶴孤

過濟南府

三齊名郡省城兼今古依然事可參力竭耕田退
怨慕切過掉舌想韜鈴中原有菽鮮民采外國占

雲 聖化覃身歷涖翁遊賞地濟南瀟灑似江南

歷下亭憶李北海杜少陵

自古濟南韻士多何年歷下散鳴珂泰山或陟長
淮竭李杜雄名定不磨

泰山在濟南府之泰安州北五里路上可以
望見而適被雲罩不得見悵然賦之

雲端終日漫勞神送目情如望美人祇隔此間青
未了不知那箇本來真肅然梁父封應慶玳檢銀
繩迹已陳天子想厭秦漢事茂陵空沒老詞臣
過歷下途中復次亭字韻

遺書要問濟南生吊古時登歷下亭騁望泰山窮
地理神交北海醇詩靈遠西暫梗方修武海內無
虞尚措刑安得浴歸洙泗上杏壇躬掃奠椒馨

李北海歷下亭
詩泰山雄地理

謁顏太師廟

二十四郡無男子公家兄弟唱義旗常山罵賊奮
忠烈魯國歸朝登太師堂邑讓功謀偶失清河興
卒策全奇當時不斷元凶首敬拜遺靈寓憤悲

平原道中次白沙贈韻

偶向清時脫戴盆何心操瑟立齊門可憐冒熱穿

禾壠爭似垂涼卧
柵園催馬荒郵天
正晚下轎孤店日
將昏明朝又是德州
路綠樹蟬鳴何處村

雨涼道不得通穿走禾壠思間韶弊廬柵陰涼快故併及之

平原旅夜

送旅踈燈照綠槐
草虫凄切枕邊催
督郵風味君

何問喚得青州從事來

登慈氏千佛閣

寺在安德衛河岸一云銀瓦殿宇蓋銀瓦數片故得名

瓦被人竊去猶冒舊名

梵宮盤鬱對古河
堦城郭蒼蒼暮景懸
銀瓦已飄傷末劫
金輪方轉想當年
攀梯却訝離初地
踏閣翻

疑上九天欲問法
王玄妙肯簡拙文字
落言筌

衛河舟中攬鏡有感

黃河與渤澥
夢寐豈前知
造化元無定
吾生亦有涯
流年不可住
白髮若為醫
勾漏丹砂志
長嗟負遠期

秋夜舟行

夜深衛河上
孤舟行未歇
明月照虛帷
涼風吹不絕

舟中次石樓台韻兼呈白沙

薄暮城西喚渡頻
步尋禪刹燮金銀
初秋既望同

蘓子萬里窮源異漢人燕地山河分繡脰鳳城闌
闌若魚鱗朋宵泊近吳橋月回首神京近折津

燕都古折津府吳橋縣名屬景州

獨夜推蓬坐卧頻長江月色爛鎔銀誰知一片江
南夢猶是孤舟海外人到日河堤垂柳綠歸時御
水動冰鱗回帆早趁春正月穩泛仙槎下葛津

葛津之河

傳聞樞府乞骸頻苦口辭還月俸銀小豎尚論天
下事大臣徒讓局邊人須收文武安邦夏可使衣
冠混介鱗舟楫正要弘濟用只今滄海濶無津

開孫閣老辭督理乞歸故賦之

驛程愁報水籤頻為覆朱提盞底銀日落汀洲橫
遠客雲中江樹憶詞人久經靈雨衣生綠忽撲風
沙面欲鱗莫問舟行源派別錦川橋下玉河津

頤聯用柳暉謝曉詩語

紅樓粧面露巖頻認得釵頭半股銀洛浦未逢指
佩處汀洲猶立斲腸人同乘彩鳳愁簫曲共踏飛
龍怯玉鱗暫別塵寰期再會蓬萊應復變桑津
河柳陰陰繫舟頻向魚白白看跳銀樓臺隱暎開
新筍海嶽崇深想古人唐代詩豪高散騎皇朝詞

伯李于鱗誰知落託三韓客北上天津試問津

高適李攀龍
皆齊南人

停橈買醉莫辭頻滿眼香醪色勝銀籠岸柳烟尋
水寺隔船菱唱報商人名園近市沉朱果異味登
盤斫素鱗此去擬投賢相閣漢朝那得數平津
朝京起廢不堪頻半破腰章謾縮銀江海漂萍惟
此日林泉抱犢竟何人秋天弋鴈摧雲翮春岸又
魚碎錦鱗豪興即今無復有白頭持檝愧臨津
每醉江頭不覺頻橐中惟有買書銀卧占詩句隨
槎伴立候風便問榜人枕簟影搖青爵舫劍囊光

吐綠龜鱗枕樓高倚成鄉夢沂漢鳴榔月峽津
浪拍風帆出沒頻徘徊斗牛派通銀素槎誰伴尋
源使支石空傳賣卜人留照寸丹徒向日垂名尺
素敢攀鱗人間底處無南北開眼乾坤有去津

衛河舟中

財成天地仰神功疏鑿淮河萬里通誰識蹢躅海
外客清風散髮偃舟中

蓼花紅淡映河洲兩岸蟬聲碧樹秋為問水程行
遠近月明何處倚津樓

過河間府

畿輔風烟古津樓景物新
斷碑亾歲月高塚卧棋
檠西漢賢王子河間亂
婦人流芳與遺臭過此
一傷神

過劉翰林宅在滄州延縣

停棹浣花坊擬尋杜草堂
華軒團栝翠碧沼泛蓮
香掌誥人間貴修文地
下即樓涼誰是三隻燕
出雕梁

過滄州古瀋州

龔子分憂地當時有政聲
治繩方妙喻曾劍教孚
行聖代偏霑化潢池少
美兵孤城猶不閉漁火
夜

深明

過靜海縣

舟行亦無悶只厭長河濁
况乃兩岸迫不得騁選
矚偶與茲地愜落落展
清覲汀洲稍踈散曠然
怡心目裊裊參糝紅團
團柳條綠此邦乃赤縣
樓館臨河曲由来豪俠
窟吹彈疑絲竹縣郭燈
火滅月出入聲絕信義
非吾土孤舟中夜發

食茄子

鄉味須從煎殼說嘉蔬新
摘紫彭亨細剉片段和
油煮縷抹薑橙觸手成
未許蘇公叅王版空教
內

文說尊羹林居淡泊長年飽懶向侯門覓五鯖

過天津衛

巨浸環城守衛嚴皇畿一鎮制東南兩京水驛郵
籤報四省漕船舶尾啣地部糶倉分務重軍門鈇
鉞憲臺兼須防敵至長圍築三板良難保障堪

地勢窪下可
灌故及之

發楊村

楊柳依依水驛東行人聲在板橋中逢秋赤縣悲
燕地送別頓立感衛風萬里繫舟身是幻三更推
枕夢還空行行明日又明日白髮偏生也不公

頓丘衛地名
屬武清縣

發通州

詩老分留物色饒通州樓閣出雲霄檣烏簇簇圍
城塹堤柳陰陰覆石橋挾路人家粧鴈齒步虛金
縷束蜂腰前頭東岳琳宮近暫借仙床整帽袍

通州天下勝樓閣出雲霄李曹
之詩也全篇警策見賞於華人

七月二十九日退朝有感

白鬚重到烏鬢館觸目無非事事同牌子叫催天
正亮序班來導語難通朝廊引燭隨仙仗海屋添
籌祝華嵩八月傷心何處是橋山空翠暮雲中

尚書集卷之六
神廟聖節在
八月故及之

次石樓韻

白首蹒跚到帝京，苦辛應倍昔年行。
浮生莫戀安身處，四大元來是假名。

中秋對月

烏巖館裏中秋月，不比尋常出海東。
通宵斂膝慙懃望，祇為陰晴萬里同。

一年明月負今宵，咫尺河堤阻石橋。
剛被畢郎牢鎖住，卧遊空在廣陵濤。
畢自肅為會同館提督主事

敬次石樓和示鄙韻

玉宇瓊樓隔幾重，坐聽金漏響丁東。
故園萬里無消息，抵恐陰晴看不同。

一年翫月在今宵，千古吳江擅畫橋。
遙想濟川亭上望，琉璃千頃化銀濤。

次白沙中秋月韻

誰斫廣寒桂，清輝特地生。
陰晴萬里夜，悵望一年情。
風處遠砧切，樹間極鵲驚。
離人終夕坐，莫處墮西城。

次白沙中秋後一日雨韻

昨夜十分滿，光疑鵲樓嫦娥愁。
獨處玉鑑閱清

秋隱隱雷聲走森森雨脚收遙憐兒女輩惱殺望
刀頭

敬亭先生集卷之六

